



Uunga  
Inatsisartunut ilaasortaq  
Aqqaluaq B. Egede  
Inuit Ataqatigiit

**Politiit angallataat pillugit § 37 naapertorlugu apeqqutip 073-2019-ip  
akineqarnera**

Asasara Aqqaluaq B. Egede

Qujanaq apeqqutinut.

Apeqqutigineqartut akinissaannut ilanngussassanik Justitsministeeriaqarfimmut piniartoqarsimavoq. Tullinnguuttuni apeqqutinut ataasiakkaanut Justitsministeeriaqarfiup akissutai atuarsinnaavatit. Justitsministeeriaqarfiup akissutai uingasunik allassimapput.

**Naalakkersuisunut apeqqutigisat:**

- 1. Politeeqarnikkut imaatigut kiffartuussineq umiarsuaaqqat atorlugit ingerlanneqartoq qanoq siunissami aqqissuunneqassava?**

*" Apeqqut nr. 1-imut tunngatillugu oqaatigineqarsinnaavoq, Kalaallit Nunaanni politiit najuunneri takussaannerilu qulakkeerniarlugit Kalaallit Nunaata politiivisa imarsiornikkut angallataanik nutarterisoqassasoq Naalagaaffiup politiivi Kalaallit Nunaannilu politiit aalajangersimammata.*

*· Kalaallit Nunaanni politiit maannakkut angallataannit sisamaasunit pingasut atorunnaarsinneqarnissaat pilersaarutaavoq. Siunnersortinit nalunaarusiaq Kalaallit Nunaanni politiit suliaritissimasaat aallaavigalugu Qaqortumut, Nuummumut, SIsimiunut Aasiannullu angallatinik sukkasuulianik 40 fodsit missaanniittunik sisamanik kiisalu angallammik mikinerusumik 25 fodsit missaanniittumik Tasiilamiittussamik pisisoqassaaq. Politiit angallataat kiserngoruttoq Nuummi tunngaviusumik umiarsualiveqassagunarpoq, kisiannili Kalaallit Nunaata Kitaani tamarmi angalasassalluni, tassunga ilanngullugit Nanortallip kujataaniit Upernaviup avannaata tungaanut."*

08-04-2019  
Suliap nr. 2019 - 2833  
Akt. id. 9973612

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat +299  
34 66 66  
E-mail: iian@nanaoq.gl  
www.naalakkersuisut.gl

**2. Naalackersuisut ilisimavaat politiit imaatigut angallataannit ingerlataqarneq ingerlatsinikkut aningaasartuutikillisaaffigineqalersoq?**

Apeqqummut 7-imut Justitsministeeriaqarfiup akissutaa Naalackersuisunit innersuussutigineqarpoq.

**3. Nunaqarfinnut inoqarfinnullu tamanut politiit kiffartuussinerat annaassiniartarnerallu pitsaanerulissava?**

*"Apeqqummut nr. 3-mut tunngatillugu ilisimatitsissutigineqarsinnaavoq angallatit nutaat pigineqalernerisa kingunerisaanik politiit akiniartarnerat sukkanerungaatsialissasoq, tamannalu politiit imaatigut ikiuiartornissaannut imaluunniit nunaqarfinni sakkortuumik pisoqarsimatillugu orniguttarnissaannut pingaaruteqarluinnarpoq. Taassuma saniatigut nunaqarfinnukartarnernut atatillugu angalanerup sivikillinerata kingunerisaanik politiit pingaarnertut suliassaminnik suliaqarnissaminnut piffissaqarnerulissapput.*

*Taamaammat Kalaallit Nunaanni politiit angallataannik allanngortitsinerup kingunerisaanik annaassiniartarnermut aammalu nunaqarfinnik najugaqarfinnillu kiffartuussineranut atatillugu pitsanngoriaateqassaaq."*

**4. Politiit angallataanni sulisartut qassit sipaarniarfigineqassappat?**

*"Apeqqut nr. 4-imut 5-imullu tunngatillugu, politiit imarsiornikkut angallataasa allanngortiterneqarneranni inuttaasut annikitsumik ikilineqarsinnaanerat avaqqunneqarsinnaagunangitsaq Kalaallit Nunaata politiivisa ilisimatitsissutigaat. Tassungali apeqqutaalluinnassaaq inaarutaasumik angallatissap qanoq ittuunissaanik il.il. aalajangiinissaaq."*

**5. Politiit angallataanni sulisartoqarneq allannguinerup kingorna qanoq sulisartoqassutsikkut sunniuteqassava?**

*"Apeqqummut 4-mut akissuteqaat takuuk."*

**6. Naalackersuisut danskit naalackersuisuinik ataatsimeeqateqarsimappat politiit angallataasa allannguiffigineqarnissaat pillugu?**

Politiit angallataasa ingerlanneqarneranik allanngortitsineq pillugu Naalackersuisut danskit naalackersuisuinik ataatsimeeqateqarsimangillat.

Taamaattorli januaarimi ataatsimiinnermi politimesterimit sammisaaq pillugu ilisimatinneqarsimavunga, soorlu aamma justitsministerip Søren Pape Poulsenip allakkatigut 15.03.2019-imi ullulerneqarsimasutigut taamatut ilisimatissimagaanga.

7. **Danskit naalagaaffiata nunatsinni politeeqarnikkut imaatigut angallateqartitsineq eqqarsaatigalugu aningaasartuutikillisaanissaq siunertaraat?**

*"Apeqqummut nr. 7 -imut tunngatillugu ilisimatitsissutigineqarsinnaavoq Kalaallit Nunaanni politiit angallataannik allanngortitsinissaq pillugu politiit suliat pillugit naliliinerat tunngavigalugu aalajangiisoqarsimammat, matumani Kalaallit Nunaanni politiit suliassanik sularinninneranni politiit atortui qanoq pitsaanerpaamik sunniuteqarsinnaaneranut ilanngullugit.*

*Aningaasatigut kingunerisassat inaarutaasumik aalajangerneqarsimannginnerat aammattaaq Rigspolitiinit ilisimatitsissutigineqarpoq, taamaattorli Kalaallit Nunaanni politiinut maannamut aningaasartuutaasut assigikannissagaat naatsorsuutaavoq. Sipaaruteqartoqassappat taakku aningaasat sipaarutaasimasut Kalaallit Nunaanni politiinut tunniunneqarumaarput, taamaalillutik Kalaallit Nunaanni politiinut unnerluutiginninnermillu suliaqarnermik pitsanngorsaanissamut aningaasat atorineqarsinnaassallutik. "*

8. **Politiit imaatigut angallataasa allanik taarserneqarnissaa angallatigut ikilinerannik kinguneqassava?**

*"Apeqqummut nr. 8-mut tunngatillugu Kalaallit Nunaanni politiit angallataasa sisamaasut arfinilinnngortinneqarnissaat ilisimatitsissutigineqarsinnaavoq. Apeqqummut 1-imut akissuteqaat aamma innersuussutigineqarpoq."*

9. **Politiit angallatissaattut atulersinniarneqartut angallatit suuppat aamma qanoq ateqarpat?**

*"Apeqqummut nr. 9-mut tunngatillugu Rigspolitiit ilisimatitsissutigisimavaat angallatit il.il. inaarutaasumik aalajangersarneqarnissaannut tunngatillugu neqeroorutinik aammalu amutsivimmik toqqaanissaq, utaqqineqartut. Taamaattorli angallatit issittumi annaassiniarnermut politiillu sularisartagaannut immikkut naleqqussarlugit sananeqarnissaat neqeroorusiortitsinerup nalaani ilaatigut piumasaaqatigineqassapput. Apeqqummut 1-imut akissuteqaat aamma innersuussutigineqarpoq."*

10. **Ullutsinnut naleqqusnaanissamik siunertaq qanoq imaqarpa?**

*"Apeqqummut nr. 10-mut tunngatillugu Justitsministeeriaqarfiup apeqquq ima paasisimavaa Kalaallit Nunaanni politiit angallataannik allanngortitsinermut atatillugu pissutsit piviusut qanoq eqqarsaatigineqassanersut.*

*Apeqqummut nr. 1-imut 9-mullu akissuteqaatit innersuussutigineqarput.*

11. **Imaatigut politiit angallateqarnerat umiarsuaaqqaanik taarsiinerup kingorna pissutsit tamakkiisumik Naalakkersuisuniit nassuiaatigineqarsinnaappat?**

1-10-mut apeqquutit akissutaat siulianiittut innersuunneqarput.

§ 37 naapertorlugu apeqquutit 018-2019-ip 05-04-2019-imeersup akissutaanut aammattaaq innersuutissavakkit.

Inussiarnersumik inuulluaqqusillunga

  
Martha Abelsen